

heut: Cavete vobis à Pseudoprophetis
 Matth. 7. Phil. 3. Sehet auff die Hunde/ sehet
 auff die bösen Arbeiter/ die alles zuschneiden.
 Nu ist der Zwinglianer vnd Calvinisten
 giftiger zeit/ das fast ganz Deutschland
 zerschneidet/ das wo man wird stille schwei-
 gen/ kein menschlicher Arm/ weisheit noch ge-
 walt mehr wird wehren können. Derhalben
 ist zeit vber zeit solchem vnheil mit Namen zu
 wehren. Illico ut apparuerit serpens con-
 terendus est. Fides non patitur moram.
 (inquit Hieronymus) So bald die Schlan-
 ge sich mercken lest / sol man sie zutretten/ der
 Glaube leidet keinen verzug/ Vnd da man in
 Morgensendischen Kirchen gewartet hat /
 vnd zum Arianismo connivirt / Ist es dar-
 nach alles Arianisch vnd nun Mahometisch
 worden.

Ich glaube darumb rede ich (saget David)
 Wann nu ein trewer Lehrer gleubet / vnd
 weiß das der Zwinglianer vnd Calvinisten
 Irrthumb giftig vnd lesterlich ist/ so erfodert
 sein Gewissen für Gott vnd der Kirchen/ das
 er solches rede / bekenne / vnd dafür warne /
 sonst prallets im in sein Gewissen zurücke/
 vnd würde für Gottes Angesichte als ein
 vntrewer knecht erfunden/ der auff beiden sei-
 ten hinclet. 3. Reg. 18.

Z iiii

IV. Bis

III.